

Sarkina Bt Mat Saad @ Shaari

From: Jabatan Pendaftar
Sent: Monday, April 30, 2018 2:44 PM
To: UUM - All Staff
Cc: Staf - Pesara UUM
Subject: PEKELILING PENDAFTAR BILANGAN 8/2018 - LARANGAN MENGAMBIL BAHAGIAN DALAM POLITIK
Attachments: Pekeliling Pendaftar Bil.8 2018.pdf



Jabatan Pendaftar
REGISTRAR'S OFFICE

Universiti Utara Malaysia

30 APRIL 2018

14 SYAABAN 1439H

PEKELILING PENDAFTAR BILANGAN 8/2018 - LARANGAN MENGAMBIL BAHAGIAN DALAM POLITIK

Semua Dekan/Ketua Jabatan/Pengarah/Pengetua INASIS
Universiti Utara Malaysia

Yang Berbahagia Dato' /Y. Berusaha Prof./Tuan/Puan,

Assalamualaikum w.b.t dan salam sejahtera



JABATAN PENDAFTAR
REGISTRAR'S OFFICE
Universiti Utara Malaysia
06010 UUM SINTOK
KEDAH DARUL AMAN
MALAYSIA



Tel: 604-928 3101/3199
Faks (Fax): 604-928 3104
Laman Web (Web): www.uum.edu.my

"MUAFAKAT KEDAH"

Ruj. Kami : UUM/PEN/P-7/6
Tarikh : 29 April 2018

Semua Dekan/Ketua Jabatan/Pengarah/Pengetua INASIS
Semua Staf
Universiti Utara Malaysia

Yang Berbahagia Dato'/Y. Berusaha Prof./Tuan/Puan,

PEKELILING PENDAFTAR BILANGAN 8/2018 - LARANGAN MENGAMBIL BAHAGIAN DALAM POLITIK

Dengan hormatnya saya merujuk kepada perkara di atas dan Pekeliling Pendaftar UUM/PEN/P-7/6 bertarikh 1 Julai 2013 adalah berkaitan.

2. Sukacita saya menarik perhatian Yang Berbahagia Dato'/Y. Berusaha Prof./Tuan/Puan kepada **peraturan 20** Peraturan-Peraturan Tata tertib Badan-badan Berkanun (Jadual Kedua Akta 605) yang dipetik secara verbatim seperti berikut:

" Mengambil bahagian dalam politik

20. (1) Seseorang pegawai dalam **Kumpulan Pengurusan Tertinggi atau Kumpulan Pengurusan dan Profesional tidak boleh mengambil bahagian aktif** dalam aktiviti politik atau memakai apa-apa lambang sesuatu parti politik, dan khususnya, dia tidak boleh—

- (a) membuat apa-apa pernyataan awam, sama ada secara lisan atau bertulis, yang memberikan suatu pandangan yang berat sebelah tentang apa-apa perkara yang menjadi isu antara parti-parti politik;
- (b) menerbitkan atau mengedar apa-apa bahan yang mengemukakan pandangannya yang berat sebelah atau pandangan orang lain, tentang apa-apa perkara yang berkaitan dengan mana-mana parti politik;

Universiti Pengurusan Terkemuka
The Eminent Management University



- (c) terlibat dalam merayu undi bagi menyokong mana-mana calon dalam sesuatu pilihan raya bagi Dewan Rakyat atau bagi mana-mana Dewan Undangan Negeri atau apa-apa pemilihan untuk apa-apa jawatan dalam mana-mana parti politik;
- (d) bertindak sebagai ejen pilihan raya atau ejen tempat mengundi atau atas apa-apa sifat untuk atau bagi pihak seseorang calon dalam sesuatu pilihan raya bagi Dewan Rakyat atau bagi mana-mana Dewan Undangan Negeri;
- (e) bertanding untuk apa-apa jawatan dalam mana-mana parti politik; atau
- (f) memegang apa-apa jawatan dalam mana-mana parti politik.

(2) Seseorang pegawai dalam **Kumpulan Sokongan boleh**, setelah mendapatkan **kelulusan bertulis Lembaga**, dibenarkan bertanding atau memegang jawatan atau dilantik bagi memegang apa-apa jawatan dalam sesuatu parti politik.

(3) Walau apa pun subperaturan (1), seseorang **pegawai yang telah dibenarkan bercuti hingga ke tarikh persaraannya** bagi maksud menghabiskan cutinya yang terkumpul **boleh** mengambil bahagian dalam aktiviti politik jika—

- (a) dia telah terlebih dahulu mendapatkan **kelulusan bertulis Lembaga** untuk berbuat demikian; dan
- (b) dengan penglibatan sedemikian dia **tidak melanggar peruntukan-peruntukan Akta Rahsia Rasmi 1972 [Akta 88]**.

(4) Sesuatu permohonan bagi kelulusan di bawah perenggan (3)(a) hendaklah dibuat tidak kurang daripada tiga bulan sebelum tarikh pegawai itu dibenarkan bercuti sebelum persaraannya.

(5) Tiada apa-apa jua dalam peraturan ini boleh menghalang seseorang pegawai daripada menjadi **anggota biasa** mana-mana parti politik."

3. Penglibatan dalam aktiviti politik adalah bertentangan dengan prinsip 'neutrality' dan 'impartiality' yang diamalkan dalam perkhidmatan awam. Keadaan ini juga boleh membawa suasana yang tidak harmoni di tempat kerja. Sehubungan dengan itu, Yang Berbahagia Dato'/Y. Berusaha

Prof./Tuan/Puan diminta untuk memantau dan memastikan perkara ini dipatuhi.

4. Sekiranya mana-mana pegawai didapati tidak mematuhi arahan ini, pegawai tersebut boleh dikenakan tindakan tatatertib mengikut Peraturan-Peraturan Tatatertib Badan-badan Berkanun (Jadual Kedua Akta 605).

5. Kerjasama Y. Bhg. Dato'/Y. Berusaha Prof./tuan/puan dalam perkara ini amatlah dihargai dan saya dahului dengan ucapan terima kasih.

Sekian.

"ILMU BUDI BAKTI"

Saya yang menurut perintah



(BAHARUDIN BIN YAACOB)

Pemangku Pendaftar
Universiti Utara Malaysia

s.k - Naib Canselor
- Semua Ahli Jawatankuasa Pengurusan Universiti



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.